



JUDICIAL SYSTEM MONITORING PROGRAMME PROGRAMA MONITORIZASAUN BA SISTEMA JUDISIÁRIU

Komunikadu Imprensa

17 Dezembru 2013

JSMP desimina informasaun kona-ba implikasaun pena suspensaun ba kazu violénsia doméstika entre espetativa no dezafiu

JSMP liu husi Unidade Justisa ba Feto (WJU) realiza ona atividade desiminasau informasaun no diskusaun ho lider lokál sira iha distritu lima. Atividade ne'e espesifikamente realiza iha Distritu Ermera, Manatuto, Maliana, Liquisa no Oe-cusse. Total partisipante iha atividade ne'e hamutuk ema nain 177, kompostu husi feto 74 ho mane 103. Diskusaun ne'e realiza inisiu iha distritu Ermera iha 18 Novembru 2013 no termina iha distritu Oecusse iha 14 Dezembru 2013.

Objetivu husi diskusaun ne'e atu hasa'e kuñesimentu lider lokál kona-bá natureza krime violénsia doméstika, prosedimentu legal no finalidade husi pena ne'e rasik, liu-liu husi aspetu akuzau no sentensa ne'ebé pratikamente akontese durante observaun JSMP nian iha tribunál sira.

Iha atividade desiminasau ne'e, lider lokál sira hatu'o katak durante ne'e sira kontinua hala'o mediasau ba kazu violénsia doméstika mezmu lei ejize atu lori kazu violénsia doméstika hotu ba tribunál.

“JSMP husu ba Ministériu relevante asegura kuñesimentu di'ak ba lideransa lokál relasiona ho implementasau Lei Kontra Violénsia Doméstika. JSMP hanoin katak iha sosiedade rural sira, autóridade lokál kaer papel importante tebes iha sira nia comunidade, tanba ne'e importante atu sira hetan informasaun ne'ebé adekuada kona-ba LKVD ne'e rasik,” , dehan Luis de Oliveira Sampaio Diretór Ezekutivu JSMP.

Lideransa lokál sira husu katak programa hanesan iha futuru tenke hala'o to'o nivel suku. Aleinde ne'e sira mos apresia JSMP, katak programa ne'e fasilita tebes sira hodi bele kumpriende di'ak lala'ok prosesu penál no mekanizmu implementasau Lei Kontra Violénsia Doméstika liga ho kna'ar lideransa lokál nian.

Diskusaun ne'e realiza ho apoiu finanseiru husi the Royal Norwegian Embassy iha Jakarta, Indonézia.

Atu hetan informasaun kle'an liutan favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl